



education

Department:
Education
REPUBLIC OF SOUTH AFRICA

**NASIONALE
SENIOR SERTIFIKAAT**

GRAAD 11

AFRIKAANS EERSTE ADDISIONELE TAAL V1

MODEL 2007

PUNTE: 80

TYD: 2 uur

Hierdie vraestel bestaan uit 14 bladsye.

INSTRUKSIES EN INLIGTING

1. Beantwoord AL die vrae.
2. Hierdie vraestel bestaan uit DRIE afdelings, naamlik AFDELING A, AFDELING B en AFDELING C.

AFDELING A: LEESBEGRIP (VRAAG 1)
AFDELING B: OPSOMMING (VRAAG 2)
AFDELING C: TAAL (VRAAG 3)
3. Lees AL die instruksies en vrae aandagtig deur.
4. Nommer die antwoorde korrek volgens die nommeringstelsel wat in hierdie vraestel gebruik is, in die MIDDEL van die bladsy en laat 'n reël oop tussen antwoorde.
5. Trek 'n lyn na elke voltooide afdeling.
6. Begin elke afdeling op 'n NUWE bladsy.
7. Gee besondere aandag aan spelling en sinsbou.
8. Skryf netjies en leesbaar en gebruik slegs blou ink.

AFDELING A: LEESBEGRIP**VRAAG 1: 'N KOERANTARTIKEL, TYDSKRIFARTIKEL EN ADVERTENSIE**

Lees die onderstaande koerantartikel aandagtig deur en beantwoord die vrae wat volg:

DISSIPLINE: 'Onnies kán nie die las dra nie.'



1. Ouers moet verantwoordelikheid vir hulle kinders se gedrag by die skool aanvaar en nie dissipline net aan opvoeders oorlaat nie. Só het me. Naledi Pandor, Minister van Onderwys, in 'n onderhoud gesê oor die Departement van Onderwys se voorstel om belhamels op skole vas te vat deur hulle in die sorg van hul ouers te laat.
2. Sy het gesê haar plan is om ongedissiplineerde leerders vir 'n kort periode uit skole te haal en hulle hul skoolwerk onder die toesig van hulle ouers te laat doen.
3. Besonderhede oor die Departement se strategie om skole veiliger te maak, is ook bespreek. Sy vra die gemeenskap se hulp met beplanning om 'n veilige skoolomgewing te bevorder. Daar moenie van skole verwag word om hierdie las alleen te dra nie.
4. Volgens haar is skolegeweld nie 'n algemene verskynsel nie en daarom gaan die Departement net met sekere probleemskole werk. Vyf miljoen rand is opsygesit om hulpmiddels soos metaalverklikkers en kringteleviesiekameras by een probleemskool in elk van die nege provinsies te installeer.
5. Die Departement is besig om riglyne oor dwelmtoetse op te stel wat die leerder se kinderregte respekteer volgens ons Grondwet. Elke skool moet self 'n algemene gedragskode opstel en dit duidelik oral op die skoolterrein aanbring.
6. Pandor het gesê sy gaan 'n vergadering met skoolbeheerliggame, onderwysvakbonde, nie-regeringsorganisasies en jeugroepe hou om verdere beplanning en oplossings vir skolegeweld te bespreek.

[Verwerk uit: *Beeld*, 2006.10.27]

VRAE:

- 1.1 Watter EEN WOORD (paragraaf 1) sê dat ouers by skoordisipliene betrokke moet raak? (1)
- 1.2 Watter antwoord voltooi die volgende sin KORREK?
Skryf slegs die letter (A - D) langs die vraagnommer (1.2) in die antwoordeboek neer.
- 'n Belhamel (paragraaf 1) is 'n ...
- A kwaaddoener.
B gehoorsame leerder.
C rugbyspeler.
D voorbeeldige leier. (1)
- 1.3 Watter rol moet ouers in hulle kinders se skoolwerk speel wanneer hulle kinders tuis is? (1)
- 1.4 Die gemeenskap moet al die verantwoordelikheid oorneem vir die veiligheid van skole.
- 1.4.1 Sê of die bogenoemde stelling WAAR of ONWAAR is. (1)
- 1.4.2 Haal 'n GEDEELTE VAN 'N SIN uit die koerantartikel aan om jou antwoord te bewys. (1)
- 1.5 Haal 'n DEEL VAN 'N SIN aan, waaruit ons aflei dat geweld nie in alle skole plaasvind nie. (1)
- 1.6 Watter tegnologiese hulpmiddels kan help om die skole veiliger te maak? Noem TWEE voorbeelde. (2)
- 1.7 Waarom, dink jy, sal dwelmtoetse help om skolegeweld te verminder? Verduidelik jou antwoord in EEN SIN. (1)
- 1.8 Waaruit lei ons af dat Minister Pandor nog steeds besig is met haar ondersoek? (1)
- 1.9 Lees weer die opskrif van die koerantartikel.
Verduidelik in EEN SIN wat die minister met hierdie woorde bedoel. (1)
- (11)**

Lees die onderstaande tydskrifartikel aandagtig deur en beantwoord die vrae wat volg:

RAAD

SÊ NEE vir groepdruk

ONS WEET HOE BELANGRIK DIT VIR JOU IS OM TE VOEL JY PAS BY JOU VRIENDE IN. BLY WEG VAN DINGE WAT JOU ONGEMAKLIK LAAT VOEL. DAARDIE DINGE WAT JY DALK DOEN NET OM JOU VRIENDE TEVREDE TE STEL.

STAP 1

JY MOET WEET wie jy is en wat jou grense is. Dink voor 'n partytjie aan wat moontlik kan gebeur en besluit wat jy dan sal doen. Maak vriende met mense wat dieselfde waardes as jy het. Dan sal julle in dieselfde goed belangstel en hulle sal verstaan as jy oor iets van hulle verskil.

STAP 2

HERKEN DIE TEKENS. As jy bang, ongemaklik of verleë voel oor iets, moet dit liever nie doen nie. Vra jousef: Voel ek goed hieroor? Watter gevolge kan dit hê? Sê duidelik dat jy klaar besluit het en nie meer daaroor wil praat nie. Sê 'nee' en stap weg voor die groep jou anders laat dink en doen.

STAP 3

AS HULLE NOG ALTYD AANHOU, sê: Almal is anders, selfs hulle. As jy daarna uitgestoot en alleen voel, dink aan die groter prentjie. Jou besluit om getrou aan jou waardes te bly, sal maak dat mense vir jou meer respek het as wanneer jy net doen wat almal doen.

[Verwerk uit: *Huisgenoot*, 2006.11.09]

WOORDEBOEKGEBRUIK

ge-mak'lik b.nw. en bw. **1(a)** Wat gemak verskaf; gerieflik lekker: 'n Gemaklike stoel, lêplek. Jou studeerkamer gemaklik inrig. **(b)** Op jou gemak: Sit, lê jy gemaklik? Eng.: at ease, comfortable.. IsiZulu: ntonfontofo. Sesotho: (ntho e)

ge-trou' b.nw. en bw. Met 'n diepe pligsbesef; toegewyd: 'n Getroue amptenaar, dienaar. 'n Getroue waghond.

grens s.nwe. (-e) Lyn wat 'n sy of die omtrek van 'n gebied bepaal of een gebied van 'n ander daarnaas geleë skei: Die grense van 'n plaas, distrik, provinsie, land. Eng.: boundary. IsiZulu: umngcele. Sesotho: moedi/mola.

her-ken' ww. Weer ken; eien: Na baie jare kon ek my ou vriend nog herken. Eng.: recognise. IsiZulu: ukukhumbula, ukwamukelwa/ukubona. Sesotho: (ho) tseba/hlokomela/elelwa.

ver-leë b.nw. en bw. Beskroemd; bedees; skamerig: Verleë voel oor al die ophef. 'n Verleë lag. As jy verleë is (voel), bloos jy altyd. Eng.: shy. IsiZulu: amahloni. Sesotho: ho ba dihlong.

waar'de s.nw (-s) Gewoonte, gebruik, gedrag wat as goed en reg beskou word. Die waardes of sedes van 'n groep mense of 'n kultuur. Eng.: values, morals. IsiZulu: izinto ezibalulekile. Sesotho: dintho tsa bohlokwa.

[Bronne: HAT en VEELTALIGE WOORDEBOEK]

VRAE:

- 1.10 Waarmee wil dié tydskrifartikel jongmense help? (1)
- 1.11 Watter WOORD voltooi die volgende sin KORREK?
Skryf slegs die letter (A - D) langs die vraagnommer (1.11) in die antwoordeboek neer.
- Die meisie in die tydskrifartikel se gesigsuitdrukking wys dat sy ... is.
- A tevrede
B ongelukkig
C moeg
D besluiteloos (1)
- 1.12 Volgens die tydskrifartikel moet jy by jou vriende inpas.
- 1.12.1 Sê of die stelling WAAR of ONWAAR is. (1)
- 1.12.2 Motiveer jou antwoord deur EEN SIN aan te haal. (1)
- 1.13 Lees weer STAP 1 van die tydskrifartikel.
- SITUASIE: Jy gaan na 'n partytjie toe waar jy weet verkeerde dinge kan gebeur.
- VRAAG: Wat sal jou kan help om die regte besluit te neem as jy moet?
Haal EEN SIN aan. (1)
- 1.14 Hoe kan vriende wat dieselfde waardes as jy het, jou help? (1)
- 1.15 Watter sin beantwoord die volgende vraag KORREK? Skryf slegs die letter (A - D) langs die vraagnommer (1.15) in die antwoordeboek neer.
- ... jy voel bang, ongemaklik of verleë ... (STAP 2)
- Wat behoort hierdie emosies vir jou te sê?
- A Jy voel goed daaroor.
B Jy moet daarvan wegbly.
C Jy wil dit nog bespreek.
D Jy het meer tyd nodig. (1)
- 1.16 Lees weer STAP 2 van die tydskrifartikel.
- Meisies sal hierdie raad makliker as seuns volg. Waarom, dink jy, is dit so? (1)
- 1.17 Wat kan jy aan jou vriende sê sodat hulle verstaan dat elke mens 'n individu is? (1)
- 1.18 Wat kan, volgens die tydskrifartikel, die gevolge wees as jy nie met die groep saamstem nie? (1)
- 1.19 Hoe kan jy die respek van jou vriende, volgens die tydskrifartikel, wen? (1)

EN

Lees die onderstaande advertensie aandagtig deur en beantwoord die vrae wat volg:





VIR BEKOSTIGBARE BRILLE

LENSE WAT **VERANDER** VOLGENS DIE **KLIMAAT**

By Spec-Savers is ons so toegewyd om jou en jou gesin teen ultra-violetstrale (UV-strale) te beskerm dat ons 'n wonderlike aanbod op veranderlike tintlense saamgestel het – lense wat van lig na donker verander in die teenwoordigheid van UV-strale. Wanneer jy *Climate Eyes* of *Transitions* vir jou preskripsielense kies, gee ons jou 2 paar van ons modieuse *Infinity*-sonbrille absoluut GRATIS of R200 tot R500 AFSLAG op 'n ontwerpersonbril ter waarde van R1000 of meer – vir jou gesin.

<div data-bbox="315 1041 618 1073" style="display: flex; align-items: center;"> CLIMATE eyes </div> <div data-bbox="289 1077 768 1241" style="border: 1px solid black; padding: 5px; margin-top: 5px;"> <p style="text-align: center; margin: 0;">Twee GRATIS <i>Infinity</i>-sonbrille (waarde R200) OF R200 AFSLAG met die aankoop van 'n ontwerpersonbril van R1000 of meer</p> </div>	<div data-bbox="808 1041 1133 1073" style="display: flex; align-items: center;"> TRANSITIONS </div> <div data-bbox="797 1077 1292 1241" style="border: 1px solid black; padding: 5px; margin-top: 5px;"> <p style="text-align: center; margin: 0;">Twee GRATIS <i>Infinity</i>-sonbrille (waarde R500) OF R500 AFSLAG met die aankoop van 'n ontwerpersonbril van R1000 of meer</p> </div>
---	--

Kliëntesorglyn: 0860 105 405 • www.specsavers.co.za

Ons aanvaar koopkaarte

GRATIS



BESKERMING
OP ALLE
PLASTIEKLENSE

[Verwerk uit: *Huisgenoot*, 2006.04.27]

WOORDEBOEKGEBRUIK

afslag s.nw. Vermindering van prys: *Vir kontant kry u 10 persent afslag.* Eng.: discount. IsiZulu: isaPhulelo, ukwehlisa. Sesotho: ho theosa theko ya ntho/ho kgaolelwa.

be-kos'tig ww. Die koste van iets dra, betaal: *Ek kan nie 'n motor bekostig nie.* Eng.: afford. IsiZulu: ukukhona. Sesotho: hore e ja bokae/ho kgona tefo.

gra'tis b.nw. en bw. (L.) Sonder geldelike vergoeding, kosteloos, verniet: *'n Gratis toer. Iets gratis doen. Is toegang regtig gratis?* Eng.: design. IsiZulu: ukuhlela. Sesotho: ho etsa moralo/leano.

toe'ge-wy b.nw. en bw. Wat hom heeltemal gee aan die belange van iemand of aan iets; wat iets met oorgawe doen: *'n Toe-gewyde werker.* Eng.: dedicated. IsiZulu: ozibophezele, ozinikele. Sesotho: boinehelo (ka boinehelo).

[Bronne: *HAT* en *VEELTALIGE WOORDEBOEK*]

VRAE:

- 1.20 Wie adverteer hierdie produk? (1)
- 1.21 Waarom is sekere woorde in die advertensie in hoofletters gedruk? (1)
- 1.22 '*Climate eyes*' en '*Transitions*' is die twee tipes lense wat geadverteer word.
- 1.22.1 Watter EEN van die twee lense gee vir jou die meeste waarde vir jou geld? (1)
- 1.22.2 Verduidelik in EEN SIN, in jou eie woorde, waarom jy so sê. (1)
- 1.23 Haal EEN WOORD uit die advertensie aan wat bewys dat jy nie die enigste persoon is wat teen UV beskerm kan word nie. (1)
- 1.24 As jy 'n bril wil koop, moet jy kontant betaal.
- 1.24.1 Sê of die stelling WAAR of ONWAAR is. (1)
- 1.24.2 Motiveer jou antwoord met 'n bewys uit die advertensie. (1)
- 1.25 Waarom pas die advertensie van die soorte lense by die gesig op die advertensie? (1)

(8)**TOTAAL AFDELING A: 30**

AFDELING B: OPSOMMING**VRAAG 2: REIS OORSEE VIR MINDER**

- Lees die wenke in die artikel *REIS OORSEE VIR MINDER* aandagtig deur.
- Skryf SEWE wenke vir 'n goedkoper oorsese reis uit die artikel neer.
- Skryf elkeen van jou wenke oor hoe om goedkoper oorsese te reis in 'n goeie volsin neer.
- Jy mag slegs EEN sin oor 'n wenk skryf.
- Skryf jou sinne onder mekaar en puntsgewys van nommer 1 tot 7 neer.
- Laat 'n reël tussen die sinne oop.
- Jou opsomming mag NIE langer as 70 woorde wees nie.
- Dui die aantal woorde aan die einde van die opsomming aan.
- Jy sal gepeenaliseer word as jy meer as 70 woorde skryf of as jy NIE die getal woorde aandui nie.

REIS OORSEE VIR MINDER

1. Dink daaraan om na 'n kleiner lughawe naby 'n groot stad te vlieg. As jy Brittanje toe gaan, kan jy eerder na die Gatwick-lughawe toe vlieg as om direk na die Heathrow-lughawe te vlieg. Dis 'n halfuur per trein van Sentraal-Londen af.
2. Hou jou oë oop vir spesiale vliegaanbiedings, maar onthou om seker te maak dat die gekwoteerde pryse belasting en kostes soos die reisagent se foie insluit.
3. Laat die internet vir jou werk. Jy kan die goedkoopste aanbiedings soek op webtuistes soos *expedia.com* of *hotels.com*.
4. As jy 'n motor wil huur, bespreek vooraf die goedkoopste motor. Moenie wag totdat jy daar is nie. Ekonomiese klas motors is nie altyd op die dag beskikbaar nie en jy sal dan outomaties 'n beter motor kry teen dieselfde prys.
5. Probeer om jou kos nie op duur plekke soos lughawens en populêre toeristeplekke te koop nie. Supermarkte in plaaslike inkopiesentrums is goedkoper en jy kan jou kos saamdra.
6. Beplan jou program sodat jy van nagtreine gebruik maak om tussen die plekke te reis waar jy wil wees. Op hierdie manier spaar jy die koste van 'n hotelkamer.
7. As jy beplan om 'n tydjie op een plek te bly, dink daaraan om 'n woonplek te huur of om jou woonplek uit te ruil. Deur agentskappe soos www.homelink.org en teen 'n tarief van R 1000 kan jy jou woonplek laat registreer.

[Verwerk uit: *Huisgenoot*, 2006.11.09]

TOTAAL AFDELING B: 10

AFDELING C: TAAL

VRAAG 3: STROKIESPRENT

Lees die onderstaande strokiesprent aandagtig deur en beantwoord die vrae wat volg:



[Uit: Rapport, 2003.01.05]

- Voltooi die volgende paragrawe met die hulp van die leidrade in die regterkantste kolom.
- Skryf slegs die antwoord langs die vraagnommer (3.1 - 3.20) in die antwoordeboek neer.

<p>Héppie het lank vir Ben en Babsie gewerk totdat Ben eendag gesê het Héppie moet aan sy (3.1 verlede) begin dink, want wat sou hy doen wanneer hy die dag aftree?</p>	<p>3.1 Gee die antoniem. (1)</p>
---	----------------------------------

Hy kan nie vir altyd 'n (3.2 persoon wat in die tuin werk) wees nie.	3.2 Gee EEN woord. (1)
Hêppie wou sy (3.3 lewe + styl) verander om ook soos Ben 'n groot huis met 'n swembad te hê. Hy het gedink hy sou (3.4 baie ryk) word as hy sy eie taxi besit en hy het baie hard (3.5 vir dit) gewerk.	3.3 Gee EEN woord. (1) 3.4 Gee EEN woord. (1) 3.5 Gee EEN woord. (1)
Ben en Babsie is baie (3.6 verrassing) om Hêppie te sien! Hêppie het net vir almal 'n gelukkige Kersfees kom toewens, want hy gaan Durban toe.	3.6 Gee die korrekte vorm van die woord. (1)
Ben het gesien dat Hêppie (3.7 op/met/te) voet daar aangekom het en hy het (3.8 dadelik) gevra waar Hêppie se taxi is.	3.7 Kies die korrekte woord. (1) 3.8 Gee die sinoniem. (1)
Die (3.9 skok) nuus is dat die taxi gesteel is! Dit het op 'n baie (3.10 sleg) tyd gebeur. Almal wil hierdie tyd van die jaar êrens heen ry.	3.9 Gee die korrekte vorm van die woord. (1) 3.10 Gee die korrekte vorm van die woord. (1)
Ben se eerste (3.11 reageer) is om te vloek! Hy is baie (3.12 onsteld/ontsteld), want die taxi-inkomste moes Hêppie se (3.13 neseier) wees vir sy oudag en Ben (3.14 weet/ken) hoe Hêppie geswoeg en (3.15 gewerk/gesweet/geleer) het om die taxi te kan koop!	3.11 Gee die korrekte vorm van die woord. (1) 3.12 Kies die korrekte spelling. (1) 3.13 Gee die verkleining. (1) 3.14 Kies die korrekte woord. (1) 3.15 Kies die korrekte woord. (1)
Partykeer het Hêppie (3.16 17) uur per dag gewerk om te kan spaar vir sy droom! Hy het baie (3.17 geleentheid) gekry om ekstra geld te verdien, (3.18 naamlik) die restaurant waar Ben hulle gereeld uiteet, het hom deelyds in diens (3.19 gegee/geneem/gelewer) en Hêppie het (3.20 in die oggend) vroeg koerante afgelewer.	3.16 Skryf die getal (17) uit. (1) 3.17 Gee die meervoud. (1) 3.18 Gee die afkorting. (1) 3.19 Kies die korrekte woord. (1) 3.20 Gee EEN woord. (1)
Hêppie sê vir Ben dat sy taxi nie padwaardig was nie. Ben hoop stilletjies dat Hêppie darem geld van die versekering uitgekry het!	

(20)

- Voltooi ook die volgende paragrawe met die hulp van die leidrade in die regterkantste kolom.
- Skryf slegs die antwoorde langs die vraagnommer (3.21 - 3.36) in die antwoordeboek neer.

Hêppie besoek Ben en Babsie elke jaar in Desember om (3.21 hulle 'n gelukkige kersfees toewens). Hy sê vir hulle dat hy groet, want (3.22 hy Durban toe gaan).	3.21 Skryf in die infinitief. (1)
	3.22 Gee die korrekte woordorde. (1)
Hêppie gaan (3.23 Durban toe skielik hierdie jaar). Ben het 'n idee dat daar iets verkeerd is. Ben kan Hêppie se taxi (3.24 êrens sien), daarom (3.25 hy vra waar die taxi is).	3.23 Gee die korrekte woordorde. (1)
	3.24 Skryf in die ontkenende vorm. (1)
	3.25 Gee die korrekte woordorde. (1)
Hêppie weet die oomblik van waarheid het (3.26 breek aan)! Hy sou die een of ander tyd vir Ben moes vertel het dat (3.27 hy's gesteel).	3.26 Gee die verlede tyd. (1)
	3.27 Gee die korrekte woordorde. (1)
Toe Ben dit hoor, (3.28 hy is dadelik kwaad). Hy is baie jammer daarvoor, want hoe (3.29 Hêppie gaan nou geld verdien)? Die taxi was sy inkomste!	3.28 Gee die korrekte woordorde. (1)
	3.29 Verander in 'n vraagsin. (1)
Eers was Hêppie baie versigtig om die nuus te deel, maar nou kom die waarheid uit. Sy taxi was (3.30 nie padwaardig nie)! Toe (3.31 die diewe het weggery), het hulle van niks geweet nie! Hulle behoort nie (3.32 ver kom nie). (3.33 Die verkeerspolisie gaan die taxibestuurder vang.). En dan sit hulle met niks nie!	3.30 Gee EEN woord. (1)
	3.31 Gee die korrekte woordorde. (1)
	3.32 Skryf in die infinitief. (1)
	3.33 Skryf in die lydende vorm. (2)

<p>Ben is net bekommerd oor Hêppie se inkomste. Hêppie het vir homself 'n (3.34 <i>saain-board</i>) gemaak wat sê dat hy nie werk, geld of kos het nie.</p> <p>Babsie sê vir Hêppie dat (3.35 'Jy gaan mos nie baie geld maak nie. '), want daar is honderde sulke mense wat (3.36 die mense staan oral op die straathoeke)!</p> <p>Maar Hêppie is optimisties. Hy het 'n slim plan! Hy gaan in die branders tussen al die vakansiegangers staan met sy <i>saain-board</i>!!</p>	<p>3.34 Vertaal in Afrikaans deur die volgende gedeelte uit die woordeboek te gebruik. Jy kan jou eie EEN woord saamstel.</p> <div data-bbox="803 388 1437 829" style="border: 1px solid black; padding: 5px;"> <p>bedel ww. (gebedel) 1 Geld, klere, kos vra (omdat 'n mens arm is); <i>Die gebrekklike outjie bedel op straat.</i> 2 Smekend vra, soebat: <i>'n Guns bedel. Ag buurvrou, ek kom bedel weer 'n bietjie suiker.</i> be'del•brief s.nw. Smeekbrief om hulp te vra. bord s.nw. (-e; -jie) 1 Ronde houër om uit te eet: <i>Diep-, sopbord.</i> 2 Houtblad, o.a.gebruik om op te skryf, kennisgewings op te plak, spele op te speel: <i>Dam-, kollekte, skaak-, skool-, uithangbord.</i> 3 Groot, regopstaande blad om met kryt op te skryf; swartbord: <i>Sy kan tog so mooi op die bord skryf.</i> plak•kaat' s.nw. (plakkate) 1 Kennisgewing, advertensie wat opgeplak word; aanplakbiljet: <i>Die kunstige plakkate van Toulouse-Lautrec.</i> Vgl. POSTER. 2 Geskrewe of gedrukte stuk papier of karton wat veral as protes iewers opgeplak of deur persone vertoon word: <i>Die teëstanders van die regering marsjeer met plakkate deur die stad. Daar was plakkate net waar jy kyk, teen mure en vensters en deure, teen lamppale (Jeanette Ferreira).</i> pos'ter (s) s.nw. (uitspr. <i>pous'ter</i>) (E.) Plakkaat met kunswaarde: <i>As jy nie oorspronklike kunswerke kan bekostig nie, koop jy maar posters. Sy het 'n poster van die popgroep teen haar kamermuur.</i></p> </div> <p style="text-align: right;">(1)</p> <p>3.35 Skryf in die indirekte rede. (2)</p> <p>3.36 Gee die korrekte woordorde. (1)</p>
--	--

(18)

3.37 Lees die vorige strokiesprent van Ben en Babsie wéér aandagtig deur. Skryf dan jou eie sin soos gevra met die korrekte leestekens.

SITUASIE: Ben en Babsie kan in die laaste prentjie nie glo wat hulle hoor nie.

VRAAG: Wat, dink jy, het Ben gesê om sy SKOK uit te spreek oor Hêppie se idee om in die branders te gaan staan tussen die vakansiegangers? (2)

TOTAAL AFDELING C: 40

GROOTTOTAAL: 80